



24. maj 2012

Inatsisartut suleriaasiat § 37, immikkoortoq 1, naapertorlugu Naalackersuisunut imaattumik apeqquteqarniarpunga.

**Naalackersuisunut Apeqqutit:**

1. **Pisortat suliffeqarfiutaani, tassalu Namminersorlutik Oqartussani, taassumalu suliffeqarfiit ataaniittut peqarput, sulisut napparsimaneq pissutigalugu sulinngittarnerat qanoq annertutigiva?**
2. **Pisortat suliffeqarfiutaani sorlorni napparsimasoqakulanersaasimava? Taamatullu pisortat suliffeqarfiutaani sorlorni napparsimasoqakulanerusimangila?**
3. **Inuiaqatigiinnut qanoq akeqarsimava napparsimalluni sulinngitsoortarnerit?**
4. **Napparsimasarneq annikillisarniarlugu pisortat suliffeqarfiutaani avatangiisinik qanoq pitsanngorsaasoqarniarpa?**

(Kristian Jeremiassen, Siumut)

**Tunngavilersuut:**

Inuiaqatigiit akornanni pingaaruteqarpoq pisortat suliffeqarfiutaat pitsaasumik innuttaasunut sullissinissaat, taamaammatt pisortat suliffeqarfiutaani sulisartut ajunngitsumik avatangiiseqarnissaat pingaaruteqartoq isumaqarpunga.

§ 37 aqputigalugu Naalackersuisunut apeqquteqarninni paaserusuppara pisortat suliffeqarfiutaani sulisut napparsimaneq pissutigalugu sulinngittarnerat qanoq annertutiginersoq.

Aammalu paaserusullugu suliffeqarfinni sorlorni napparsimasoqakulasarnerunersoq taamatullu pisortat suliffeqarfiutaani sorlorni napparsimasoqakulannginnerusimanersoq.

Aammalu napparsimaneq pissutigalugu inuiaqatigiinnut napparsimalluni sulinngitsoortarnerit qanoq akeqarsimanersut paaserusuppara.

Napparsimasarnerlu annikillisarneqassappat pisortat suliffeqarfiutaani sulisut pitsaasunik avatangiiseqarnissaat pingaaruteqartoq isumaqarpunga taamaammallu paaserusuppara Naalackersuisut qanoq pitsanngorsaaniarpat?

§ 37 aqputigalugu apeqquteqarnera imatut paaseqqunngilara napparsimasarnermut apeqqusiinertut, taamatut apeqquteqarnera pissuteqarpoq piviusut saqqummersikkaanni napparsimasarnerit annikillisarneqarsinnaammata suliffimmi atukkanik pitsanngorsaaniikkut taamaalilluni sulisartoq pitsaanagerusumik avatangiiseqarnissaanut aqputissiuiinissaq apeqquteqaat manna aqputigalugu aallartinneqarsinnaanera neriutitigakku.

Ullut suliffiusut qulit qaangiutsinnagit Naalackersuisut akissuteqarnissaat piumasarivara.

Kristian Jeremiassen, Siumut